



REPUBLIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-klina.org

Zyra e Kryetarit të Komunës së Klinës

01 Nr. 06-29618/26
Klinë, datë: 10.09.2026

PROCESVERBAL

Nga dëgjim i dyt publik për Draft-Buxhetin e vitev 2027 - 2029 të Komunës së Klinës, me banoret e fshatrave, Drenoc, Pjetërq i Epërm, Pjetërq i Poshtëm, Dugajev te komunës së Klinës, me, datë 28.08.2026, ora 17:00, SHFMU "Isa Boletini" Drenoc.

Ky procesverbal është hartuar në bazë të Ligjit për Vetëqeverisjen Lokale, Ligjit për Mbrojtjen e të Dhënave Personale, Ligjit për Financat Publike, Statutin e komunës së Klinës dhe duke ndjekur standardet e Udhëzimit Administrativ për Administratë të Hapur në komuna.

Ky procesverbal përmban një përmbledhje të redaktuar të procesit të zhvilluar gjatë dëgjimit buxhetor. Palët që kanë vërejtje në përmbajtjen e këtij procesverbali mund të dërgojnë kërkesë për ndryshim deri me datë 07/09/2026 në emailin **egzon.sejdiu@rks-gov.net** ose fizikisht në zyrën e pranimi në Komunën e Klinës.

Ky procesverbal është një dokument publik i cili hartohet sipas standardeve të Ligjit për Mbrojtjen e Privatësisë dhe Ligjit për Klasifikimin e Dokumenteve Zyrtare.

Ky dokument është publik në faqen e komunës në dy versione në PDF dhe Word dhe në arkivin e komunës i protokolluar sipas protokollit zyrtarë.

Hartuesi i këtij procesverbali ka redaktuar të dhënat personale të palëve të cilat janë mbledhur gjatë procesit. Vetëm palët e autorizuara mund të kenë qasje në të dhënat personale të mbledhura gjatë këtij procesi të cilat janë të arkivuara në komunë.

Ky dokument përmban të dhëna për fazën përgatitore të dëgjimit përmbledhjen nga takimi dhe në aneks materialet e bashkangjitura të cilat janë grumbulluar gjatë takimit.

Para nisjes së diskutimit të pranishmit i janë nënshtruar procesit të regjistrimit në listën e pjesëmarrësve.

Në listën e pjesëmarrësve ata kanë ofruar emrin mbiemrin, numrin e telefonit dhe nënshkrimin e tyre. Të dhënat janë grumbulluar me qëllim të sigurimit të dëshmive për pjesëmarrjen e qytetarëve në dëgjimet buxhetore.



REPUBLIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-klina.org

Zyra e Kryetarit të Komunës së Klinës

01 Nr. 06-29618/26
Klinë, datë: 10.09.2026

PROCESVERBAL

Nga dëgjim i dyt publik për Draft-Buxhetin e vitev 2027 - 2029 të Komunës së Klinës, me banoret e fshatrave, Drenoc, Pjetërq i Epërm, Pjetërq i Poshtëm, Dugajev te komunës së Klinës, me, datë 28.08.2026, ora 17:00, SHFMU "Isa Boletini" Drenoc.

Ky procesverbal është hartuar në bazë të Ligjit për Vetëqeverisjen Lokale, Ligjit për Mbrojtjen e të Dhënave Personale, Ligjit për Financat Publike, Statutin e komunës së Klinës dhe duke ndjekur standardet e Udhëzimit Administrativ për Administratë të Hapur në komuna.

Ky procesverbal përmban një përmbledhje të redaktuar të procesit të zhvilluar gjatë dëgjimit buxhetor. Palët që kanë vërejtje në përmbajtjen e këtij procesverbali mund të dërgojnë kërkesë për ndryshim deri me datë 07/09/2026 në emalin **egzon.sejdiu@rks-gov.net** ose fizikisht në zyrën e pranimi në Komunën e Klinës.

Ky procesverbal është një dokument publik i cili hartohet sipas standardeve të Ligjit për Mbrojtjen e Privatësisë dhe Ligjit për Klasifikimin e Dokumenteve Zyrtare.

Ky dokument është publik në faqen e komunës në dy versione në PDF dhe Word dhe në arkivin e komunës i protokolluar sipas protokollit zyrtarë.

Hartuesi i këtij procesverbali ka redaktuar të dhënat personale të palëve të cilat janë mbledhur gjatë procesit. Vetëm palët e autorizuara mund të kenë qasje në të dhënat personale të mbledhura gjatë këtij procesi të cilat janë të arkivuara në komunë.

Ky dokument përmban të dhëna për fazën përgatitore të dëgjimit përmbledhjen nga takimi dhe në aneks materialet e bashkangjitura të cilat janë grumbulluar gjatë takimit.

Para nisjes së diskutimit të pranishmit i janë nënshtruar procesit të regjistrimit në listën e pjesëmarrësve.

Në listën e pjesëmarrësve ata kanë ofruar emrin mbiemrin, numrin e telefonit dhe nënshkrimin e tyre. Të dhënat janë grumbulluar me qëllim të sigurimit të dëshmive për pjesëmarrjen e qytetarëve në dëgjimet buxhetore.

Të pranishmit janë pajisur me agjendën e takimit e cila u është dorëzuar në formë fizike dhe me materialet ku përfshihej prezantimi i Draft-Buxhetit i vitev 2027-2029 i cili është dorëzuar tek secili pjesëmarrës në formë fizike para të pranishmëve është prezantuar draft-buxheti edhe në formatin elektronik.

Është konstatuar se për organizimin e këtij takimi nuk ka nevojë për përkthyes apo interpretim për personat me aftësi të kufizuar.

Takimi ka nisur në ora 17:00 të pranishëm ishin kryetari i Komunës së Klinës, Prof. Dr. Zenun Elezaj, drejtor te drejtorive , anëtarë të grupit punues si dhe qytetar te ketyre fshatrave.

Nga qytetarët morën pjesë 14 persona, prej të cilëve, 14 burra.

Shtojca 2 – Fotografi nga dëgjim i dytë për Draft-Buxhetin e vitev 2027 - 2029 të Komunës së Klinës, me banoret e Fashtave: Drenoc, Pjetërq i epërm, Pjetërq i poshtëm, Dugajevë të komunës së Klinës.



Fjala e Kryetarit të Komunës së Klinës, Prof Dr, Zenun Elezaj

Të nderuar qytetar te fshatrave Drenoc, Pjeterq I Eperm dhe I Poshtem si dhe Dugajevë të Komunës së Klinës,

Të nderuar përfaqësues të institucioneve, organizatave, bizneseve, shoqërisë civile dhe të gjithë ju që keni marrë pjesë në këto dëgjime buxhetore,

Ju falënderoj sinqerisht për pjesëmarrjen dhe interesimin tuaj.

Sot kemi përpara një proces shumë të rëndësishëm për Komunën tonë: Prezantimin e Draft-Buxhetit Komunal për periudhën 2027–2029. Ky dokument nuk është vetëm një pasqyrë e të hyrave dhe shpenzimeve të Komunës. Buxheti është një plan konkret për zhvillimin e Klinës dhe për përmirësimin e jetës së qytetarëve tanë. Për këtë arsye, është shumë e rëndësishme që ky proces të jetë sa më transparent, gjithëpërfshirës dhe i hapur për secilin qytetar.

Gjatë dëgjimeve buxhetore, ne kemi mundësinë të dëgjojmë nga afër kërkesat, shqetësimet dhe propozimet e qytetarëve. Çdo mendim i paraqitur është i rëndësishëm dhe do të merret në konsideratë gjatë shqyrtimit dhe finalizimit të buxhetit. Qëllimi ynë është që mjetet publike të orientohen aty ku nevojat janë më të mëdha dhe ku investimet sjellin ndikimin më të madh për qytetarët. Draft-Buxheti për vitet 2027–2029 synon të mbështesë prioritetet kryesore të Komunës sonë, duke përfshirë infrastrukturën, arsimin, shëndetësinë, zhvillimin ekonomik, bujqësinë, kulturën, rininë, sportin, shërbimet publike dhe zhvillimin e qëndrueshëm të qytetit dhe fshatrave tona një vëmendje e veçantë do t'i kushtohet projekteve që ndikojnë drejtpërdrejt në jetën e përditshme të qytetarëve: përmirësimin e rrugëve dhe trotuareve, ujësjellësit dhe kanalizimit, ndriçimit publik, mirëmbajtjes së hapësirave publike, si dhe projekteve që krijojnë kushte më të mira për fëmijët, të rinjtë dhe familjet tona. Po ashtu, duam të vazhdojmë mbështetjen për bujqit, bizneset lokale dhe iniciativat që kontribuojnë në zhvillimin ekonomik dhe në krijimin e vendeve të reja të punës. Të nderuar qytetarë ne e dimë se nevojat e Komunës janë të shumta, ndërsa mundësitë buxhetore janë të kufizuara. Prandaj, sfida jonë është që të bëjmë zgjedhjet e duhura, të vendosim prioritete dhe të sigurohemi që çdo euro e buxhetit publik të shpenzohet me përgjegjësi dhe në interes të qytetarëve. Pikërisht për këtë arsye, dëgjimet publike janë shumë të rëndësishme. Ne nuk dëshirojmë që buxheti të jetë vetëm dokument i institucioneve, por të jetë rezultat i bashkëpunimit me qytetarët ju ftoj që të jeni aktivë, të paraqisni kërkesat tuaja, të jepni sugjerime konkrete dhe të kontribuoni në përcaktimin e prioritetëve për vitet e ardhshme. Ne do të vazhdojmë të punojmë me përkushtim që Klina të jetë një komunë më e zhvilluar, më e mirë dhe me shërbime më cilësore për të gjithë qytetarët, pa dallim. Në fund, dua t'ju falënderoj për pjesëmarrjen, për bashkëpunimin dhe për kontributin tuaj në këtë proces, buxheti është i qytetarëve dhe duhet të ndërtohet me qytetarët. Ju faleminderit për vëmendjen dhe ju ftoj që tani të vazhdojmë me diskutimin, propozimet dhe kërkesat tuaja lidhur me Draft-Buxhetin e Komunës së Klinës për vitet 2027–2029.

Diskutimet e pjesëmarrësve

Nuhi Agushi, Drenovcë

Kërkesa jem për ju është 30 metra muri mbrojtës sepse kemi problem me rrëshitje të dheut në lagjen tone

Përgjigja e Kryetarit:

Do ta marrim këtë kërkesë më seriozisht dhe do ta kemi parasysh në planifikimet tona. Gjithashtu, do ta përfshijmë në plan dhe në procesverbal, ku do të trajtohet nga grupi punues. Më pas, do ta fusim edhe në projekt, me qëllim që ta përfundojmë dhe ta zgjidhim këtë problem.

Mark Marku, Drenovcë

Kërkesa ime është që një rrugë fushore të ndërhyhet me zhavor, pasi kemi problem t'i kultivojmë tokat tona dhe të kemi mundësi të kalojmë nëpër atë rrugë. Kërkesa tjetër do të ishte edhe rreth 100 metra asfalt për rrugën që shkon te varrezat e lagjes sonë edhe ujët e pijes është një problem thelbësor.

Përgjigja e Kryetarit:

Faleminderit, Mark. Ne kemi planifikuar në Draft-Buxhet që çdo rrugicë e shkurtër që ka mbetur, megjithëse kanë mbetur shumë pak, ta përfshijmë në projekte dhe ato që kanë mbetur pa u shtruar, t'i shtrojmë. Po ashtu, për rrugët që janë të dëmtuara, kemi planifikuar në projekte që t'i sanojmë.

Sa i përket ujit të pijshëm, ne kemi ndarë buxhetin për ujësjellësin e fshatrave Drenovc dhe Dugajevë. Po mendojmë të hapim 3-4 puse dhe t'i dërgojmë në një pikë më të lartë në këto fshatra. Aty do ta shikojmë me specialistë të fushës mundësinë që të ndërtojmë një rezervuar në pikën më të lartë, ku uji të bartet prej puseve tek rezervari dhe pastaj të shpërndahet me rënie të lire do të dalë në teren para fillimit të projektit dhe gjithçka do të bëhet në pajtim me banorët e fshatrave.

Gjon Cubi, Drenovcë

Kërkesa ime është që gjatë vërshimeve, lumenjtë që janë afër tokave bujqësore, kur ka reshje të mëdha atmosferike, po na i dëmtojnë të gjitha kulturat bujqësore dhe po na i prishin të mbjellat. Nëse ka mundësi, të mbushen me drenazh ose me dhe, në mënyrë që uji të mos kalojë në tokat bujqësore dhe të mos i dëmtojë kulturat tona.

Pergjigja e Kryetarit:

Faleminderit, Gjon. Unë para disa ditësh kam pasur edhe një takim me ministren në detyrë, ku i kam paraqitur disa kërkesa për të na ndihmuar, sepse ne si komunë kemi një buxhet shumë të ulët. Megjithëse na janë marrë shumë fonde nga përmbarimi, si shkak i kontratës kolektive, kam kërkuar që të na ndihmojnë në njërën prej kërkesave. Njëra prej tyre ka qenë zgjerimi dhe pastrimi i lumenjve, sepse ne e dimë që si komunë kemi shumë telashe me rrjedhat e lumenjve, sidomos kur ka vërshime, të cilat zakonisht ndodhin gjatë vjeshtës dhe dimrit por gjithsesi, ne do ta planifikojmë dhe do të mundohem t'i përfundojmë këto probleme.

Dedë Berisha, Dugajevë

Përshëndetje të gjithëve. Kërkesa ime për ju është vendosja e rreth 40 metrave gypa për ujë, sepse gjatë vërshimeve uji po më shkakton dëme dhe po më hyn në podrum nëse ka mundësi, të ndërhyhet në këtë pjesë për të parandaluar vërshimet dhe dëmet që po më shkaktohen.

Pergjigja e Kryetarit:

Faleminderit, Dedë. Atëherë, siç e theksova, do të mundohem që këto probleme me vërshimet t'i rregullojmë përmes zgjerimit dhe pastrimit të lumenjve. Ne kemi paraparë një projekt të tillë dhe, edhe pse fondet duhet të shtohen, besoj se në vitet e ardhshme do të arrijmë t'i mbulojmë të gjitha këto problem sa i përket 40 metrave të gypit, do ta marrim kërkesën tënde me prioritet dhe do ta shohim mundësinë më të afërt që ta përfshijmë në projekt, në mënyrë që t'i mbulojmë edhe ato 40 metra.

Mbyllja e Takimit

Kryetari i Komunës së Klinës pyeti nëse kishte pjesëmarrës të tjerë që dëshironin të paraqisnin kërkesa apo rekomandime.

Meqenëse nuk pati diskutime të tjera, Kryetari e shpalli të mbyllur takimin dhe falënderoi të gjithë pjesëmarrësit për kontributin e tyre.

“Komentet, pyetjet, sugjerimet dhe kërkesat e regjistruara në këtë procesverbal do të trajtohen në raportin final të dëgjimeve buxhetore. Më pas, ky raport do të shqyrtohet në seancën e rregullt të Kuvendit Komunal.

Raportin do ta gjeni të publikuar në ueb-faqen zyrtare të Komunës së Klinës, ku secili prej jush do të mund të shohë përgjigjet dhe statusin e kërkesave të paraqitura.

Mirëmbetshi!”

Takimi u mbyll në ora 17:40

Shtojcë – Tabela e pjesëmarrësve të ndarë sipas gjinisë.

Gra	0
Burra	14
Totali	14

Procesmbajtësi,
Egzon Sejdiu

